

## МОНГОЛ УЛСЫН ХУУЛЬ

2018 оны ... дугаар  
сарын ...-ны өдөр

Улаанбаатар  
хот

### **БАРААНЫ ТЭМДЭГ, ГАЗАР ЗҮЙН ЗААЛТЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ**

**1 дүгээр зүйл.**Барааны тэмдэг, газар зүйн заалтын тухай хуульд доор дурдсан агуулгатай хэсэг, заалт нэмсүгэй:

#### **1/5 дугаар зүйлийн 5.2.10, 5.2.11 дэх заалт:**

“5.2.10.Монгол Улсад бүртгэгдсэн газар зүйн заалттай ижил, эсхүл төсөөтэйгээс хэрэглэгчийг барааны гарал үүслийн хувьд төөрөгдөлд оруулах;

5.2.11.Монгол Улсын бүртгэлд бүртгэгдсэн хуулийн этгээдийн нэртэй давхацсан.”

#### **2/5 дугаар зүйлийн 5.6 дахь хэсэг:**

“5.6.Энэ хуулийн 5.2.11-д заасан хуулийн этгээдийн нэрийн сангаас шүүлт хийхэд Улсын бүртгэлийн ерөнхий хуулийн 9.9, 12.12-т заасан мэдээлэл солилцох журмыг баримтална.”

#### **3/6 дугаар зүйлийн 6.6.5 дахь заалт:**

“6.6.5.энэ хуулийн 9.4-т заасан үйлчилгээний хураамж төлсөн тухай баримт.”

#### **4/7 дугаар зүйлийн 7.8, 7.9, 7.10 дахь хэсэг:**

“7.8.Энэ хуулийн 6.6.1, 6.6.2, 6.6.4-т заасан баримт бичгийг энэ хуулийн 7.6-д заасан хугацаанд ирүүлээгүй бол төрийн захиргааны байгууллага мэдүүлэг гаргагчийг тухайн мэдүүлгээсээ татгалзсанд тооцож, энэ тухай мэдүүлэг гаргагчид бичгээр эсхүл цахимаар мэдэгдэнэ.

7.9.Энэ хуулийн 6.6.3-т заасан баримт бичгийг энэ хуулийн 7.7-д заасан хугацаанд ирүүлээгүй бол төрийн захиргааны байгууллага давамгайлах огнооны эрх хүсээгүйд тооцно.

7.10.Төрийн захиргааны байгууллага нь барааны тэмдгийн мэдүүлгийн бүрдлийг хянаж, анхдагч огноо тогтоосны дараа мэдүүлсэн барааны тэмдгийн ном зүй, дүрсийг албан ёсны тогтмол хэвлэлээр нийтэд мэдээлнэ.”

#### **5/8 дугаар зүйлийн 8.10 дахь хэсэг:**

“8.10.Энэ хуулийн 7.10-т заасны дагуу нийтэд мэдээлсэн барааны тэмдгийн мэдүүлэгт анхдагч огнооноос хойш гурван сарын дотор сонирхогч этгээд эсэргүүцэл гаргаж болно.”

**6/10 дугаар зүйлийн 10.6 дахь хэсэг:**

“10.6.Энэ хуулийн 10.4-т заасан өөрчлөлтийг хийлгэхэд үйлчилгээний хураамж төлнө.”

**7/11 дүгээр зүйлийн 11.8, 11.9, 11.10, 11.11 дэх хэсэг:**

“11.8.Барааны тэмдгийн олон улсын мэдүүлгээр Монгол Улсын нэр зааж мэдүүлсэн барааны тэмдэгтэй холбоотой аливаа шийдвэрийг Олон улсын товчоонд мэдэгдэнэ.

11.9.Барааны тэмдгийн олон улсын мэдүүлгийн хувьд энэ хуулийн 8.10-д заасан эсэргүүцлийг олон улсын хэвлэлийн огнооноос хойш 5 сарын дотор гаргаж болно.

11.10.Энэ хуулийн 11.5, 11.9-д заасан хүсэлтийг төрийн захиргааны байгууллага хянаж, гэрчилнэ.

11.11.Энэ хуулийн 11.5, 11.9-д заасан хүсэлтийг төрийн захиргааны байгууллагаар хянуулж, гэрчлүүлэхэд үйлчилгээний хураамж төлнө.”

**8/12 дугаар зүйлийн 12.4 дэх хэсэг:**

“12.4.Энэ хуулийн 12.3.5-д заасан онцгой эрх нь бүртгэгдсэн барааны тэмдгийн анхдагч огнооноос өмнө уг барааны тэмдэгтэй адил тэмдгийг адил бараа, үйлчилгээнд шударгаар хэрэглэж байсан этгээдийн хувьд үйлчлэхгүй.”

**9/21 дүгээр зүйлийн 21.6.5 дахь заалт:**

“21.6.5.газар зүйн заалт бүхий бараа, бүтээгдэхүүний тодорхойлолт;”

**10/25 дугаар зүйлийн 25.6, 25.7, 25.8 дахь хэсэг:**

“25.6.Газар зүйн заалтын улсын бүртгэлд газар зүйн заалт хэрэглэгчийн хүсэлтээр дараахь өөрчлөлтийг оруулна:

25.6.1.газар зүйн заалт хэрэглэгчийн нэр, хаягийг өөрчлөх;

25.6.2.газар зүйн заалт хэрэглэгчийн эрхийг шилжүүлэх.

25.7.Энэ хуулийн 25.6-д заасан өөрчлөлтийг хийхэд үйлчилгээний хураамж төлнө.

25.8.Төрийн захиргааны байгууллага нь бүртгэлд орсон өөрчлөлтийг энэ хуулийн 3.1.14-т заасан албан ёсны тогтмол хэвлэлээр нийтэд мэдээлнэ.”

**11/27 дугаар зүйлийн 27.3 дахь хэсэг:**

“27.3.Газар зүйн заалт хэрэглэгч нь газар зүйн заалт бүртгэгдсэнийг илэрхийлэх таних тэмдгийг газар зүйн заалтын хамт хэрэглэж болно.”

### **12/32 дугаар зүйлийн 32.7 дахь хэсэг:**

“32.7.Маргаан шийдвэрлэх комисст хүсэлт, гомдол, эсэргүүцэл гаргаж хянан шийдвэрлүүлэхэд үйлчилгээний хураамж төлнө.”

### **13/33 дугаар зүйлийн 33.1.3 дахь заалт:**

“33.1.3.барааны тэмдэг эзэмшигч хүндэтгэн үзэх шалтгаангүйгээр барааны тэмдгийг 5 жилийн турш ашиглаагүй бол.”

**2 дугаар зүйл.**Барааны тэмдэг, газар зүйн заалтын тухай хуулийн 5 дугаар зүйлийн 5.1.2 дахь заалтын “үйлдвэрлэсэн газрын нэр,” гэсний дараа “газар зүйн нэр, түүний товчлол, газрын зураг дээрх байршил,” гэж, мөн зүйлийн 5.2.1 дэх заалтын “гишүүн улсын” гэсний дараа “нэр, товчилсон нэр,” гэж, “зөвшөөрөлгүй” гэсний дараа “ашигласан” гэж, мөн зүйлийн 5.2.2 дахь заалтын “зөвшөөрөлгүй” гэсний дараа “ ашигласан” гэж, 6 дугаар зүйлийн 6.4.2 дахь заалтын “хураамж” гэсний өмнө “үйлчилгээний” гэж, 7 дугаар зүйлийн 7.2, 7.4, 7.5 дахь хэсэг, 8 дугаар зүйлийн 8.7 дахь хэсэг, 21 дүгээр зүйлийн 21.1 дахь хэсэг, 23 дугаар зүйлийн 23.2, 23.4, 23.5, 23.7 дахь хэсэг, 24 дүгээр зүйлийн 24.4, 24.7 дахь хэсгийн “бичгээр” гэсний дараа “эсхүл цахимаар” гэж, 10 дугаар зүйлийн 10.2 дахь хэсгийн “зургаан сарын” гэсний өмнө “хөнгөлөлтийн хугацаа болох” гэж тус тус нэмсүгэй.

**3 дугаар зүйл.**Барааны тэмдэг, газар зүйн заалтын тухай хуулийн дараахь хэсэг, заалтыг доор дурдсанаар өөрчлөн найруулсугай:

### **1/3 дугаар зүйлийн 3.1.2 дахь заалт:**

“3.1.2.“хамтын тэмдэг” гэж үйлдвэрлэл, үйлчилгээ эрхлэгчдийн сайн дурын үндсэн дээр байгуулагдсан ашгийн төлөө бус хуулийн этгээдийн нэгдсэн хяналтан дор гишүүдийнх нь ашиглах барааны тэмдгийг;”

### **2/3 дугаар зүйлийн 3.1.14 дэх заалт:**

“3.1.14.“албан ёсны тогтмол хэвлэл” гэж Парисын конвенцийн 12.2-т заасны дагуу барааны тэмдэг, газар зүйн заалтын бүртгэлийн тухай мэдээллийг нийтэд мэдээлэх зорилгоор оюуны өмчийн асуудал эрхэлсэн төрийн захиргааны байгууллагаас өөрийн албан ёсны цахим хуудсанд тогтмол нийтлэх ном зүйн цахим мэдээллийг;”

### **3/7 дугаар зүйлийн 7.7 дахь хэсэг:**

“7.7.Энэ хуулийн 6.6.3-т заасан баримт бичгийг мэдүүлгийн анхдагч огнооноос хойш гурван сарын дотор төрийн захиргааны байгууллагад ирүүлнэ.”

### **4/9 дүгээр зүйлийн 9.6 дахь хэсэг:**

“9.6.Бүртгэгдсэн барааны тэмдэг нь зөвхөн бүртгэлд заасан эзэмшигч болон бараа, үйлчилгээнд хамаарна.”

#### **5/14 дүгээр зүйлийн 14.1 дэх хэсэг:**

“14.1.Хамтын тэмдэг эзэмшигч нь тухайн хамтын тэмдгийг ашиглахад нэгдсэн хяналт тавих үйлдвэрлэл, үйлчилгээ эрхлэгчдийн сайн дурын үндсэн дээр байгуулагдсан ашгийн төлөө бус хуулийн этгээд байх бөгөөд гишүүд нь хамтын тэмдгийг нэгдсэн хяналтын дор ашиглах эрхтэй.”

#### **6/20 дугаар зүйлийн 20.1 дэх хэсэг:**

“20.1.Энэ хуулийн 3.1.4-т заасан тодорхойлолтод хамаарахгүй зүйлийг газар зүйн заалтад тооцохгүй.”

#### **7/22 дугаар зүйлийн 22.1 дэх хэсэг:**

“22.1.Газар зүйн заалт бүхий бараа, бүтээгдэхүүний тодорхойлолтод дараахь зүйлийг тусгана:”

#### **8/22 дугаар зүйлийн 22.1.2, 22.1.3 дахь заалт:**

“22.1.2.газар зүйн заалтад хамаарах бараа, бүтээгдэхүүний хими, физик, микробиологи, бүтцийн шинж чанарын тухай мэдээлэл;

22.1.3.газар зүйн заалтад хамаарах газар зүйн бүсийг тодорхой заах;”

#### **9/22 дугаар зүйлийн 22.1.5, 22.1.6 дахь заалт:**

“22.1.5.гарал үүсэл, хүний болон байгалийн хүчин зүйл, нутаг дэвсгэрийн онцлогтой хэрхэн холбогдож тухайн бараа, бүтээгдэхүүнийг үйлдвэрлэдэг талаарх мэдээлэл;

22.1.6.газар зүйн заалт бүхий бараа, бүтээгдэхүүн тухайн газар зүйн заалтын шинж чанарыг бүрэн агуулж байгаа эсэхийг тодорхойлох чанарын дотоод болон гадны хяналт хийх байгууллагын тухай мэдээлэл.”

#### **10/29 дүгээр зүйлийн 29.2 дахь хэсэг:**

“29.2.Энэ хуульд заасан болон барааны тэмдгийг нийтэд түгээмэл болсонд тооцоход төлөх үйлчилгээний хураамжийн хэмжээг оюуны өмчийн асуудал эрхэлсэн Засгийн газрын гишүүн тогтооно.”

**4 дүгээр зүйл.**Барааны тэмдэг, газар зүйн заалтын тухай хуулийн 3 дугаар зүйлийн 3.1.4 дэх заалтын “тодорхойлолтыг” гэснийг “нэрийг” гэж, мөн зүйлийн 3.1.16 дахь заалтын “буюу” гэснийг “болон” гэж, 4 дүгээр зүйлийн 4.1 дэх хэсгийн “өнгө” гэснийг “өнгө, өнгөний хослол” гэж, 5 дугаар зүйлийн 5.2.1, 5.2.2 дахь заалтын “бөгөөд” гэснийг “илэрхийллийг” гэж, мөн зүйлийн 5.2.9 дэх заалтын “нийтэд түгээмэл” гэснийг “нийтийн хүртээл” гэж, мөн зүйлийн 5.3 дахь хэсгийн “үг, дүрсийг” гэснийг “зүйлийг” гэж, 6 дугаар зүйлийн 6.5.5, 6.6.3 дахь заалтын “давамгайлах огноо” гэснийг “давамгайлах огнооны эрх” гэж, 7 дугаар зүйлийн 7.6 дахь хэсгийн “Энэ хуулийн 6.6-д” гэснийг “Энэ хуулийн 6.6.1, 6.6.2, 6.6.4-т” гэж, 11 дүгээр зүйлийн 11.1 дэх хэсгийн “8-10 дугаар зүйлийн холбогдох заалтыг” гэснийг “8 дугаар зүйл болон 9 дүгээр зүйлийн 9.5-д заасныг” гэж, 22 дугаар зүйлийн 22.1.3 дахь заалтын “газар зүйн бүс тодорхой байх” гэснийг “газар зүйн бүсийг тодорхой заах” гэж, 24

дүгээр зүйлийн 24.2 дахь хэсгийн “зургаан” гэснийг “есөн” гэж, 25 дугаар зүйлийн гарчгийг “Газар зүйн заалтыг бүртгэх, хэвлэх, бүртгэлд өөрчлөлт оруулах” гэж, 29 дүгээр зүйлийн 29.1.3 дахь заалтын “заалтыг бүртгэх” гэснийг “заалтын мэдүүлэг гаргах, шүүлт хийх, тэдгээрийг бүртгэх” гэж тус тус өөрчилсүгэй.

**5 дугаар зүйл.**Барааны тэмдэг, газар зүйн заалтын тухай хуулийн 3 дугаар зүйлийн 3.1.3 дахь заалтын “чанар, үйлдвэрлэх арга, бусад” гэснийг, 5 дугаар зүйлийн 5.2.8 дахь заалтын “, шударга бус давуу эрх эдлэх, ашиг олох, хохирол учруулах, нэр хүндийг гутаахаар” гэснийг, 30 дугаар зүйлийн 30.4 дэх хэсгийн “, Захиргааны хариуцлагын тухай хууль” гэснийг, 33 дугаар зүйлийн 33.4.3 дахь заалтын “, газар зүйн заалтыг хэрэглэх” гэснийг тус тус хассугай.

**6 дугаар зүйл.**Барааны тэмдэг, газар зүйн заалтын тухай хуулийн 15 дугаар зүйлийн 15.4 дэх хэсэг, 20 дугаар зүйлийн 20.1.1 дэх заалт, 22 дугаар зүйлийн 22.1.1, 22.1.4 дэх заалтыг тус тус хүчингүй болсонд тооцсугай.

**7 дугаар зүйл.**Барааны тэмдэг, газар зүйн заалтын тухай хуульд оруулсан нэмэлт, өөрчлөлтийг 201... оны ... дугаар сарын ...-ний өдрөөс эхлэн дагаж мөрдсүгэй.

Гарын үсэг